


Mazarin
3202

Relation veritable de ce qui
s'est fait et passé ...

UNIVERSITY OF N.C. AT CHAPEL HILL



00023009423

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
3202

RELATION VERITABLE

DE CE QVI S'EST FAIT ET
passé dans la ville d'Aix en Prouence, de-
puis l'enleuement du Roy Louys XIV.
fait à Paris, le sixiesme Ianuier 1649.

*Et en l'affaire du Parlement, où le Comte d'Alais, Ma-
dame sa femme, & Mademoiselle sa fille, le Duc
de Richelieu, Monsieur de Scene, Intendant, &
plus de cent cinquante Gentils-hommes ont esté ar-
restez prisonniers.*

Apportée par le S^r T. enuoyé par Messieurs
du Parlement de Prouence.



40. 840
40341
A PARIS,
Chez JEAN HENAULT, au Palais, dans la Salle Dauphine,
à l'Ange Gardien.

M. DC. XLIX.

Avec Permission.


872361

RELATION VERITABLE

DE CE QUI S'EST FAIT ET
passé dans la ville d'Aix en Provence, de
puis l'entrancement du Roy Louis XIV.
jusqu'à la fin de l'année 1693.

Et en l'année 1694, l'auteur en la Cour de Milan, Mr.
de la Roche, a été nommé par le Roy Louis XIV.
à l'Académie, et a été élu pour l'année 1694.
par les autres académiciens. Ce qui a été fait
par le Roy Louis XIV. en l'année 1694.

Approuvé par le S. T. enuoyé par Messieurs
du Parlement de Provence.



4


PARIS.

chez le Citoyen de Paris, dans la Salle Dauphine.

M. DE L'ACADEMIE.

1793

944.03
M475m
No. 3202



*RELATION DE CE QVI S'EST FAIT
& passé dans la Prouince de Prouence,
depuis l'exleuement du Roy.*



LE Comte d'Alais Gouverneur de Prouence, ayant fuiui les sentimens des mauuais Ministres, n'oublioit rien de tout ce qui pouuoit seruir à la ruine du peuple, & à l'oppression des gens de bien : Or comme il est mal-aisé qu'un Gouverneur nouveau-venu dans vne Prouince, puisse scauoir les affaires, il faut necessairement qu'il se serue des mauuais Patriotes, pour auoir moyen de desoler les Innocens. Vn nommé Goffredy Aduocat au Parlement de Prouence, homme ambitieux, & ennemy iuré de sa patrie, s'estant introduit auprès du Gouverneur, & ayant beaucoup de pouuoir sur son esprit, luy donna plusieurs adresses pour des nouueautés tres preiudiciables à toute la Prouince : Mais parce qu'il ne profitoit pas assés dans des desseins si vastes, & que son ambition luy faisoit desirer passionnément de l'honneur en sa personne, Il s'auiisa de persuader au Comte d'Alais de proposer à la Cour l'establissement d'un Parlement semestre, dans lequel il pretendoit vne office de President, preferant ce vain tiltre au repos de son pais, & à l'iniustice qu'il faisoit à tant de gens d'honneur, & de qualité du vieux corps auxquels par vn pur motif de malice il faisoit perdre tout d'un coup la moitié de leurs charges.

Ces pauures Messieurs surpris de cette resolution, n'ayans pris que l'obeïssance, dans l'opinion que c'estoit la volonté du Roy, quitterent leurs places, & laisserent establir cette pernicieuse nouueauté, sur l'esperance qu'ayans porté leurs iustes plaintes au Roy, ils seroient entendus & auroient pour le moins la mesme grace que le Partisan, au cas qu'il fallut donner de l'argent. Ils ne perdent point de temps, deputent à la Cour; mais au lieu d'estre ouïs, le Comte d'Alais à la suscitation de Goffredy, les rend si odieux qu'on les chasse de la Cour, on fait des arrests contre eux par lesquels on les exile; On saisit leurs biens; Enfin c'est vne persecution sans exemple (& pourquoy?) pour auoir obey, ou pour fauoriser la passion du Comte d'Alais & de Goffredy, leurs ennemis.

Le Comte ayant abattu par ce moyen la puissance du Parlement qui fait la meilleure partie de la Prouince, veut tenir toutes les villes de ladite Prouince à luy, & parce que les peuples en ce pais là, deferent merueilleusement à leurs Magistrats qu'ils appellent Consuls, lesquels ils

créent toutes les années à certains temps par le suffrage d'un Conseil qu'ils établissent dans les villes, le Comte d'Alais depuis quelques années voulant auoir ces Consuls à sa deuotion, auoit voulu changer cet ordre, & obtenoit des lettres patentes de la Cour, lesquelles il remplissoit du nom de ceux qui estoient de sa faction, & ainsi il estoit le peu de liberté qui restoit aux peuples de créer ceux qui les doiuent conduire, & pour lesquels ils ont de la veneration, par ceste seule raison qu'ils sont fais de leurs mains.

Mais comme le mal ordinairement reialit sur son Auteur, il s'est rencontré que les Consuls d'Aix, que le Comte auoit fais par cette infame inuention, ayant l'auerfion de tout le monde au lieu de l'assister dans le besoin, & lors qu'il vouloit opprimer les gens de bien de la ville avec Messieurs du vieux corps du Parlement, le peuple s'est armé contre eux & il a fallu se seruir de l'artifice que vous entendrés, dans la suite de ce discours pour leur sauuer la vie.

Après l'enleuement du Roy de Paris, le Comte d'Alais fut auerty par diuers Courriers de la part du Cardinal Mazarin, & de Monsieur le Prince qu'il estoit temps d'executer ce qu'il auoit promis, depuis quelque temps, à sçauoir de se faire Maistre absolu de la Prouince, & particulièrement de la ville d'Aix, & pour cet effet qu'il falloit exterminer tout ce vieux corps avec les personnes de Condition qui les appuyoient; sans considerer que ce dessein embrassoit toute la Prouince, laquelle s'interessoit dans le bien & le mal de ces Messieurs.

Sur ces auis, le Comte ne s'endort pas: ayant reconnu que beaucoup d'amis de ces Messieurs estoient dans Aix, pour les secourir si on les vouloit mal-traiter, il fit faire vne criée par laquelle il ordonna à toutes sortes de personnes qui seroient dans Aix sans affaires, de sortir la ville à peine d'estre mis en prison, & par ce moyen le dixiesme de Ianuier il oste à ces gens là tous les moyens d'estre assistés: à mesme temps il appelle toutes les troupes qui estoient dans la Prouince, tant de Cauallerie qu'Infanterie, les fait entrer dās la ville, conuoque tous ses amis, & les Gouverneurs des places: prie le Duc de Richelieu General des Galleres de venir à luy avec les officiers des galleres: Comme il se voit en cest estat, il ne fait plus difficulté de se declarer le 14. du mois, il fait prisonnier, sans aucun suiet, vn Gentil-homme nommé la Tour, amy de Monsieur de Beau-Reueil, Aduocat General du Parlement; l'ont se plaint de cette violence à Monsieur l'Archeuesque d'Arles, lequel estoit dans cette ville depuis lōg-temps, pour empescher les desordres qu'il voyoit pouoir arriuer, par la violence de ce Gouverneur, l'esprit duquel estoit aigry & entretenu dans sa mauuaise humeur par le conseil iniuste de Goffredy, & par l'auerfion que Madame la Gouuernante a tousiours eüe pour tous les sauues innocens, & le prie de la part de ces Messieurs, de ne les traiter as si mal.

3

Mais comme il n'y a rien qui nous oblige tant à nostre conseruation, que lors que nous sommes à la mercy d'un ennemy cruel & sanguinaire, ces Messieurs voyans cette iniuste persecution, firent resolution de se mettre tous ensemble, en cas qu'on en relançast quelqu'un d'eux en détail; ils ne tarderent pas long-temps de voir l'effet de leur apprehension.

Le Lundy 18. Ianuier, le Comte d'Alais allant à la Messe accompagné d'une grande quantité des gardes, & suivi de tous les Officiers de ses Regiments, & grand nombre d'autres personnes, comme des Officiers du Semestre & autres, un de ses Gardes s'auisa de quereler un Laquais, qu'il disoit n'auoir pas osté son chapeau deuant Monsieur le Comte, le Laquais qui ne sçait ce qu'on luy veut dire, & qui se voit mal-traité, s'enfuit. Le Garde ne pouuant l'atteindre, tire sa carabine sur luy, luy casse un bras, le met par terre; les autres Gardes courent après, le prennent, & le meinent dans la prison tout blessé. On dit, c'est le Laquais de Monsieur Senier Conseiller au Parlement, il faut aller prendre son Maistre. Ce bruit venu aux oreilles de tous ces Messieurs qui estoient menacez, les oblige de se mettre ensemble, & se sauuent tous chez Monsieur le President d'Oppede, où estoit leur rendez-vous en cas de besoin; tous leurs amis s'assemblent avec eux, iusques au nombre de cinq à six cens, se barricadent, & sont sur la deffensue. Vne fille aagée de quinze à seize ans, fust toute la iournée & toute la nuit, avec une espée à chaque main, à la porte dudit sieur d'Oppede, sans qu'on peut la faire retirer, quoy qu'on luy peut dire, disant qu'elle vouloit mourir pour sa patrie qu'elle voyoit opprimée. Le Comte d'Alais fait mettre ses gens en bataille, au nombre d'environ deux mille, tant Caualerie qu'Infanterie, dans la place des Precheurs, avec dessein de les venir tailler en pieces.

A mesme temps Monsieur le Comte de Carces, Monsieur l'Archeuesque d'Arles, & Monsieur le President Seguiran, s'entremettant d'accommodement, & après auoir parlé à Monsieur le Comte d'Alais, & luy auoir remontré que ces Messieurs auoient raison de se tenir sur leurs gardes, après les violences de ses gardes, ils allerent chez Monsieur d'Oppede, où estoient Monsieur le Baron de Bras, Monsieur le Baron de Saint Marc, Monsieur du Canet, & une infinité de gens de condition de la ville & de la campagne, avec ces Messieurs du Parlement, & commencerent à traiter d'accord. Ces Messieurs voyans Monsieur le Comte de Carces parmy eux, le prierent de demeurer, disans qu'ils desiroient qu'il fust spectateur de leurs deportemens, & que Messieurs l'Archeuesque d'Arles & de Seguiran feroient les allées & venues pour conclurre leur accord; lequel porta, que Monsieur le Comte d'Alais promettoit de ne parler aucunement, ny escrire à la Cour de ce qu'on auoit pris les armes, lesquelles ces Messieurs mettroient bas, & que dans trois iours il congédieroit de son costé, toutes les troupes qui estoient pour lors dans la ville, & traitteroit l'accommodement du Semestre. Cela accordé, on fit sus-

pension d'armes iusqu'au matin du Mardy, auquel temps on escriroit ce qui auoit esté accordé, & Monsieur le Comte de Carces se chargeroit de faire valoir la parole de Monsieur le Comte d'Alais.

Il est à noter, que ce qui fit consentir le Comte d'Alais à cét accommodement, ce fut l'impuissance de ses Consuls, lesquels après auoir couru toute la ville pour rassembler du monde pour luy mener, ils ne purent iamais auoir vn homme, ce qui l'obligea à leur faire reproche, & leur dire, que ce n'estoit pas ce qu'ils luy auoient promis.

Le Mardy au matin les forces de ces Messieurs estoient si grandes qu'ils auoient pour le moins vingt mille hommes: Mais bien que la plupart ne se voulussent pas desarmer, estans en estat de battre les troupes du Comte d'Alais; le Baron de Bras & le President d'Oppede voulurent tenir leur parole, & à mesme temps qu'on eust escrit, ils congedierent tout le monde.

Le mauuais dessein, ny la rancune ne sortirent pas du cœur du Comte d'Alais, au contraire, voyant ces peuples desarmez, il creut les auoir attrapez & faisant dessein d'exécuter le lendemain iour de S. Sebastien, la plus lasche trahison dont il fut iamais parlé, comme il auoit les clefs de l'Hostel de Ville, par le moyen des Consuls qui estoient de sa dependance, il y fit couler toute la nuit enuiron quatre-vingt Caualliers du Regiment Colonel, & tint ces gens en estat pour se mettre en bataille le matin à mesme temps que la Procession generale qui se fait toutes les années pour la peste, à laquelle tout le monde assiste, seroit hors la ville, & qu'on auroit fermé les portes; mais Dieu qui veille pour les gens de bien, après auoir souffert tant de malices, tant de persecutions, sans les punir, ne voulut pas que cette trahison causast la perte d'un peuple, qui n'auoit en ce temps-là autre pensée que de le louer.

Pour cét effet, vn Payfan passant dans la rue, vid deux hommes qui parloient ensemble, lesquels n'estans pas de la ville, luy donnerent curiosité d'escouter ce qu'ils disoient, & ayant entendu qu'un d'eux auoit dit: Voicy la derniere rue, nous n'auons plus rien à visiter, il eust à mesme temps vne inspiration qui luy dit: que c'estoit vne trahison. Il court de ce pas à Saint Sauueur, qui est l'Eglise Cathedrale, d'où cette Procession estoit desia partie, donner auis de ce qu'il auoit entendu. On prend l'allarme là dessus; on court arrester la Croix qui alloit sortir de la ville; & à mesme temps ils se veulent saisir des trois derniers Consuls qui assistoient à la Procession; le premier estant auprès du Comte d'Alais: mais ils se ietterent dans la Sacristie, où ils se cachèrent. A mesme temps, on sonne le tocsain, tout le peuple, hommes & femmes, pauvres & riches courent aux armes, chacun fait l'Ingenieur, & se barricadent fort à propos. Le Comte entendant cela, fait mettre son monde en bataille la place des Prescheurs. Le General des Galleres commande sa Cavalerie, les autres Officiers l'Infanterie. La Male du Bar Officier dās

son Regiment, voulant aller chercher du monde à vn quartier près de là, appellé les Fontetes, est rencontré & recogneu, on luy donne vn coup de fuzil dans les reins, & se retire.

Deux heures après, toutes les auenuës du Palais & de la place des Prescheurs furent fermées par des barricades; l'on force l'Hostel de ville, & donne la vie à ces Caualliers qui estoient dedans; plus de huiet cens femmes l'espée à la main, les autres avec le verre & la bouteille, du pain & de la viande & de quoy manger pour encourager le peuple.

Les gens du Comte s'estans barricadez du costé de la Magdelene, qui est vne Eglise proche du Palais, tirent quelques mousquetades contre vne autre barricade de ceux de la ville, qui estoit assez proche de là: Mais on monte sur les toicts, & les ayans descouuert, & ietté les tuilles dessus les soldats, il y en eut enuiron deux ou trois cens de tuez, & le reste abandonna la place.

Tout le monde se porta en gens de bien, & ne voulut-on iamais mettre la main au sang ny au pillage: au contraire, le President d'Oppede, & le Baron de Bras ayans eu nouuelles qu'on pilloir la maison de Goffredy auteur de tous les maux qu'ils ont soufferts, y accoururent, & empêcherent le desordre.

Goffredy sortit avec son fils, & s'enfuyrent le Mercredy parmy les gens de guerre. Tous les autres Officiers du Semestre, se sont cachez dans des tombeaux, dans des tonneaux, & autres lieux; & bien qu'on ait découuert leurs caches, on ne les a pas voulu poursuire: au contraire, on a mis vn corps de garde à leurs logis pour les conseruer; Messieurs du Parlement estans allez deputés en Robbe rouge, poser lesdits corps de garde, pour arrester la fureur du peuple, qui les vouloit mettre en pieces.

Monsieur l'Archeuesque d'Arles, poussé du zele de Dieu, du seruice du Roy, & du salut de la patrie, se messla parmy les armes, & recommença à parler de paix à toutes les parties. Monsieur le President de Seguiran s'y employa vtilement. Monsieur de Barbentane, & Monsieur le Cheualier de Vins ne s'y espargnerent pas; & ayans fait connoître à Monsieur le Comte d'Alais, la perte assurée de ses troupes, & celle de sa personne, de Madame sa femme, & de sa fille; luy firent trouuer bon de conseruer tout cela, qu'on laisseroit sortir ses troupes sans les offencer, & que pour l'assurance de sa personne, Monsieur le President d'Oppede, & Monsieur de Venel, Conseiller au Parlement, se tiendroient auprès de luy.

Ainsi ses troupes sortirent sur les cinq heures, avec escorte, & prirent la route que le Comte leur donna pour sortir de la Prouince. Tout le reste, sçauoir l'Intendant nommé Monsieur de Sceue, Monsieur le Duc de Richelieu, General des Galeres, avec tous les Capitaines & Officiers qu'il auoit menez, les Gouverneurs des Places: comme le Sieur de Ra-

meſort; Gouverneur de Sisteron, tous les Gentils-hommes & autres fauorifans ce party, ont eſté arreſtez, au nombre de plus de cent cinquante.

Le meſme ſoir de S. Sebaſtien à huit heures Meſſieurs du Parlement entrerent au Palais, où Monsieur le Preſident de la Roque harangua dignement, & Monsieur de beau Recueil Aduocat du Roy, qui venoit de perdre Monsieur ſon Pere, ne laiſſa pas de donner des marques de l'excellence de ſon eſprit, par vn diſcours qu'il fit tres-beau, ſur l'occafion preſente. Le Parlement fit arreſt portant caſſation du Semestre, fit encore Arreſt pour demander l'ynion avec le Parlement de Paris. Autre arreſt pour caſſer tous les Conſuls qui auoient eſté faits par lettres de cachet, & que le Chaperon ſeroit rendu à Monsieur le Baron de Bras, & à Monsieur de Seguiran Aſſeſſeur: autre Arreſt qu'on ne recognoiſtroit les ordres d'autre que de Monsieur le Comte de Carces Lieutenant pour le Roy dans la Prouince.

Le lendemain Ieudy 21. Monsieur le Comte d'Alais ayant demandé paſſe-port pour Monsieur le Marquis de Trans, & Monsieur Despinouſe Premier Conſul, Monsieur le Preſident d'Oppede le luy donna; mais du depuis on n'en a voulu donner à perſonne, Monsieur de la Verdier, Monsieur de la Barben, du Vernegue, de S. Audiol, & tous les Gentils-hommes de la Prouince, Monsieur le Comte de Boulbon, le Sieur Tiran de Marſeille y a ſeruy fort vtilement, & autres ont trauaillé depuis à la conſeruacion de cette ville, & de toute la Prouince: toutes les villes ſe ſont vnies, & ont enuoyé faire compliment à Monsieur le Comte de Carces, & offrir leurs ſeruices au Parlement. Marſeille, & Arles, Tarascon, Sisteron, ont eſté des premieres.

Les Galleres auoient beſoin d'eſtre ſecourües de viures, par vne voye extraordinaire, n'y ayant pas vn ſol pour leurs ſubſiſtances, iuſques là qu'on eſtoit ſur le point de defferrer la Chiourme pour aller chercher à manger, maintenant la Prouince y donne ordre.

Les Conſuls qui le iour de la Proceſſion ſe cacherent dans la ſacriſtie de S. Sauueur, après y auoir demeuré quatre iours dans des allarmes continuelles, ont eſté conduits de nuit dans la Conciergerie.

Meſſieurs du Parlement ſe diſpoſent à faire le procès à ceux qui ont mal-verſé dans les affaires de la Prouince, & ſur tout dans les Finances.

FIN.

